



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

3. Considerationes de actionibus, dictis & doloribus Salvatoris nostri

[urn:nbn:de:hbz:466:1-46004](https://nbn-resolving.de/urn:nbn:de:hbz:466:1-46004)

3. Considerationes de actionibus, dictis, & doloribus Salvatoris nostri.

Tota Salvatoris nostri vita ad tria potissimum capita reduci potest: Scilicet ea quæ dixit, quæ fecit, & quæ passus est. Multa dixit, mira fecit, dura passus est, inquit S. Bernardus. Tres istæ considerationes tria possunt meditationis puncta constituere. Verum cum illæ nimis sint generales, satius erit quolibet ex iis, quæ dixit, fecit aut passus est, seorsim ac sigillatim expendere, idque ab ipso inchoando mysterio Incarnationis, atque usque ad gloriosam ejus Ascensionem continuando. Considerando videlicet vitam illius pauperem, humilem ac pœnosam, actiones ejus heroicas, zelum, quem, habuit salutis animarum nostrorum, miraculosas morborum curationes, contemptus, actandem mortem contumeliam, quæ omnia pulcherrima in se comprehendunt documenta, quæ propriâ quivis consideratione evolveret. Verum in quolibet ex hiscè punctis quivis poterit considerare

1. Quis sit ille, qui dicit, facit, aut patitur ista? Est videlicet Filius Dei.

2. Pro quibus dicit, facit, aut patitur talia? pro hominibus peccatoribus & ingratis.

3. Quo fine? ob nostram salutem, & ad nostram eruditionem ex illius dictis hauriendam & exemplis,

4. Quo cordis sui affectu talia dixit, fecit, aut passus est.

5. Qua gratia, suavitate, humilitate atque exteriori modestia.

6. Alias

6. Alias loci; temporis & personarum circumstantias.

7. Considerate exinde quis poterit fructum, quem ex ipsis percipere debeat, simulques ad illum amplectendum resolvet.

4. *Considerationes de sanctissimo Euchristia Sacramento.*

I. **C**onsiderabis historiam, ac seriem Institutionis illius.

2. Causas istius institutionis. Illud etenim Salvator noster instituit. 1. Ut esset nobis sanctissimæ passionis suæ rememorativum. 2. Ut suum erga nos testaretur amorem. 3. Ut nobis esset sacrificium. 4. Ut esset pignus æternæ gloriæ. 5. Ut esset animarum nostrarum cibus &c.

3. Miracula, quæ in ipso reperiuntur. 1. Quod panis & vinum esse desinat eodem, quo sacerdos verba consecrationis protulerit momento. 2. Corpus Christi Domini, quod in cœlo habet debitam extensionem, hic est quasi contractum ad quantitatem exiguae hostiæ. 3. Ipsum non dividitur, et si hostia frangatur. 4. Eodem tempore in pluribus Ecclesiis diversisque reperitur altari bus. 5. Quilbet ipsum manducat, neque tamen diminuitur. Atque omnia hæc miracula non operatur, nisi ut miseram invisat animam, quo satis monstrat, quantum amet, quantique faciat salutem nostram, pro qua tanta operatur.